

SIMON PEDRO TAPUNAGUNAHUAN ESTUDIANA

Capítulo 5

1^o Pedro 5
Provisional
Pastaza Quichua
1.986

Cai capitulohuan 1^o Pedro libromanda estudianata
tucuchingui. Ashcata yachashcaguichu. Ushanguichu
rimanata can estudiashcamanda yuyaigunata. Imatata
yachachira Pedroga. Imamandata quillcara. Tucui
can quillcashcata yuyarisha causai.

Cunanga shuc librota estudianata munanguichu.

Tucuchina punzha _____
(punzha - quilla - huata)

Ñuca shuti _____

Cai librota estudianata munani _____

CAP.5

QUIRICGUNATA CUIRANAMANDA

1. Cunanga ñuca Jesucristota quiricgunata cuirac runa asha cangunahuacpi tiyac cuirac runagunama shuc shimita charini rimangahua. Jesucristo turmintariushcata ricuranimi. Huasha pai jatun mandag apu asha sumac ricurishcai paihuan pariu tiangarauni. Chiraicu caita cangunata rimauni. 2. Cangunaga ovejata ali cuirac runa cuinta Diospa runagunata yapa alita cuiraiichi. Ama shuc runa

mandashca cuinta cuiraiichichu. Randi amu quiquin munashcamanda cuiraiichi. Ama cullquita ganangahualla ranguichichu. Randi shungumanda munashcahuan Diospa runagunata yanapasha nisha yuyarishcahuan cuiraiichi.

3. Canguna cuirashca runagunata sinzhi patrón cuinta ama mandaichichu. Randi ali rasha causaichi paigunahuas alita rasha causangahua. 4. Jesucristoga ovejagunata cuirau amu cuinta asha tucui Diospa runagunata cuirag man. Pai ricurimushcai canguna paita quiricgunata ali cuirashcata yachasha mana ismuiba yapa ali cumbiranatami cunga.

Tapunaguna 5.1-4

v. 1 Pedroga Jesucristota quiricgunata cuirac runa asha pimata shuc shimita rimangahua charira. _____

1 Pedro Jesushuan tiyashcaí Jesús ima cuinta tara. _____

1 Huasha ima cuinta ashcata ricuringa. _____

v. 2 Imamándallata amu cuiraiichi nira. (1) _____

(2) _____

2 Chirandimanda imasata cuirana. _____

v. 3 Imangahuata ali rasha causaichi nira. _____

v. 4 Pitán Diospa runagunata cuirac. _____

4 Jesucristo pimata cumbiranata cunga. _____

ÑUCANCHI QUIRIGCUNA CADSUNAMANDA

5. Maltaguna, cangunata cuirac runagunata uyaichi. Tucui quiricgunaga caran shuc mana mas yali balic chani nisha pariumanda uyanacuichi. Mas balig mani nisha rimac runata Dios piñanmi. Randi shuc sirbic runa cuinta mansu rimac runata Dios llaquirmi. Diospa shimibi chasna quillcashcami. 6. Dios yapa ushayuc acta yuyarisha canguna ñuca mana balic chani nisha yuyarichi. Chasna yuyaricpi pai munashca uras cangunata balichingami. 7. Dios cangunata yapa ali cuirashcamanda ama imamandas nusparichichu, ima tucucpis paita catichi.

Tapunaguna 5.5-7

- v. 5 Pitata Dios llaquin. _____
- v. 6 Imasna mani ñishata yuyarichi nira. _____
- 6 Imangahuata ñuca mana balic chani nisha yuyarichi nira. _____
- 6 Ima urasta Dios canda balichinga. _____
- v. 7 Imamáandata ama imamáandahuas nusparichichu nira. _____

SUPAITA BINSINA

8. Pumata yuyarichi. Puma manzhachisha nisha cantan. Supai apuga chasnallata cangunata piffasha chi yapa caparic puma cuinta mascasha puriun pitata huaglichisha nisha. Chiraigu caran amu aicha munashcata mandasha alita yuyarisha causaichi. 9. Tucui uras Jesucristota ali yuyarisha supaita binsichi, pai munashcata lugarta ama cinguichichu. Ama cungaringuichichu, tucui llactagunai canguna Diosta quiric huauquigunas canguna cuintallata turmintariunguna.

Tapunaguna 5.8-9

- v. 8 Supai apu pi cuinta tan. _____
 8 Supai apu ima nishata raun.(1) _____
 (2) _____
- 8 Chasna acpi caran amu imasnata causaichi nira.
 (1) _____
 (2) _____
- v. 9 Supaita binsinata ushanguichu. _____
 9 Imasna rashata bingsingui.(1) _____
 (2) _____
- 9 Shuc quiricguna imasnata cancuinta causanaun. _____

TURMINTARISHCAHUASHA

10. Canguna mana yapa unai turmintarishcahuasha Dios cangunata cuti alichingami. Cangunata sinzhiyachingami mana cuyuric istandita cuinta. Pai cangunata sinzhiyachicpi paiba ñambibi yapa ali puringuichi. Dios tucui uras ashcata llaquig man. Canguna Jesucristo runaguna ashcamanda Dios cangunata japira pai tiyashca yapa ali sumac huasibi huiñai paihuan pariu causanghua. 11. Tucui runaguna Diosta ali yuyarinauchun. Maibi runaguna tiyacpi paiba ushai tucui uras tiyachun.

Tapunaguna 5.10.11

v. 10 Can turmintarishcahuasha imatata ranga Dios.

(1) _____

(2) _____

(3) _____

10 Dios ima urasta canda llaquin. _____

10 Ima tuputa canda llaquin. _____

10 Imangahuata pai canda japira. _____

v. 11 Imasa ñfshata Pedro nira.

(1) _____

(2) _____

DISPIRINA

12. Cai cartata ñuca ashilla quillcashcata
 Silvanohuan cachauni. Nuca ricucpi pai Dioshuan ali purisha
 ñuca huauquí cuinta tucushcami. Cai quillcahuan cangunata
 yuyachini imasna Dios yapa yanapashcami cangunata yapa
 llaquishcamanda. Cuti cangunata rimani tucui uras pai
 llaquishcai puriusa causaichi.

13. Tucui Babelonia llactaibi tiyacguna Dios
 cangunata cuinta japishca runagunami cangunata saludanaun.
 Chasnallata Jesucristota quirishcamanda ñuca churi cuinta
 tucuc Marcohuas cangunama saludata cachaun. 14. Quiric
 puralla llaquinacusha pariumanda saludanacuichi. Tucui
 Jesucristota uyac runagunama mana manzhasha ganas causaita
 Dios cuchun nisha mañauni. Chillata rimani. Pedro.

Tapunaguna 5.12-14

12 Pihuanda Pedro pai quillcashca cartata cachan. _____

12 Silvanoga imacuinta tan. _____

12 Imasaita purisha causaichi nira Pedro. _____

12 Imaibi purisha causaichi nirata. _____

13 Marcoga ima cuinta tan. _____

14 Ima causaita cuchun nirata Pedro.(1) _____

(2) _____

Pedro quillcashcata yuyarisha ima yachachinata canda mas
 yanapan. _____
